

Ibuku rĩa Ngai kũrĩ ciana
nĩrĩrakũrehera

Jeremia, Mũndũ
wa Maithori



Rwandĩkĩtwo nĩ: Edward Hughes

Rũthathaũrĩtwo nĩ: Jonathan Hay
Alastair Paterson

Rũharĩrĩirio nĩ: Mary-Anne S.

Rũtaũrĩtwo nĩ: Stephen Kimani

Rũtungĩtwo nĩ: Bible for Children
www.M1914.org


©2022 Bible for Children, Inc.

Rũtha: Nĩwĩtĩkĩrĩtio kuruta kana gucabithia rũgano rũrũ,
angĩkorwo ti rwa kwendia.



Jeremia aciarirwo mũciĩ
wa ũngaĩ thĩinĩ wa
ũthamaki wa Juda. Ithe,
Hilikia aarĩ mũthĩnjĩri
Ngai. Andũ ao maikaraga
itũũra ria Anathothu,
rĩrĩa rĩtaarĩ kũraihi na
Jerusalemu. Nogũkorwo
aciari a Jeremia
meeciragia angĩatwĩkire
mũthĩnjĩri Ngai. No Ngai
aarĩ na mĩbango ingĩ.





Rĩrĩa Jeremia aciarirwo,
andũ a Ngai matiaikaraga
kũringana na kiugo kĩa
Ngai. Hakuhĩ andũ othe,
kuuma mũthamaki nginya
mũruti wa wĩira ũrĩa
mũniini, mahooyaga ngai cia
maheeni - nginya thĩĩnĩ wa
hekaarũ theru ya Ngai.






Rĩrĩa Jeremia
aarĩ mũndũ
mwĩthĩ, Ngai
akĩmwarĩria. Akĩra

Jeremia, "Nĩndakũũĩ ũtanaciarwo, na ngĩbanga
hĩndĩ iyo atĩ nĩũkaaria handũinĩ hakwa."



Rĩtana rĩa Ngai nĩrĩekĩrĩre Jeremia guoya. Akĩrĩra,
“Oi, Mwathani Ngai! Ndingĩhota kwaria, nĩtondu ndĩ
o mwana.” No ndaarĩ mwana mũniini- aarĩ na mũaka
mĩrongo ĩĩrĩ. No Jeremia ndeeciragia atĩ no aho te

kwarĩrĩria Ngai
kũrĩ waganu ũrĩa
wamũrigicĩirie.




Ngai akĩũmĩrĩria Jeremia.
"Ndũgeetigĩre. Thiĩ kũrĩa
ngũgũtũma. Uga ũrĩa
ngũkwira uge.

Ndĩ hamwe
naawe na
nĩngũgũkũũra."

Ngai agĩcooka
agĩika ũndũ wa mwanya.

Ngai akĩhutia kanua
ka Jeremia.




Ngai akĩhe Jeremia hinya na ũcamba na ũũgĩ.
Akĩaria na ũcamba, akĩririkania andũ atĩ Ngai
nĩamendeete na nĩendaga kũmateithia. No hatirĩ
mũndũ wamũthikĩrĩrie. Nginya mũthamaki.




Nginya athĩnjĩri Ngai makĩrakara na makĩmwĩra
atige kwaria ũhoro wa Ngai. Nĩkwarĩ na anabii a
maheeni arĩa maugaga atĩ Jeremia ndaugaga ũhoro

wa ma.



Jeremia akĩririkania andũ atĩ mĩaka igana rĩmwe mbere, ũthamaki wa rũgongo wa Isiraeli nĩwatigĩite Ngai. Thũ ciao, Asuriata, makĩmahoota na magĩtwara Aisiraeli othe thĩ cia kũraya.






Andũ a Juda,
ũthamaki wa
mũhuro, nĩmatigĩite
Ngai. Mbũtũ cia thũ
nĩmambĩrĩirie gũthĩ.
Ngai nĩangĩetĩkiririe
andũ aake mahootwo
na matahwo
mathamio?



Andũ mehokeete ngai ciao cia mĩhianano.
Ngai icio nĩcingĩamahonokirie kuuma kũrĩ
thũ ciao? Aca! No Ngai ũngĩamahonokirie.
Andũ makĩrakario mũno nĩ Jeremia,
makĩbanga kũmũũraga. No
Ngai akĩmenyerera
ndungata yake.



Thuuthainĩ Ngai akiuga ũndũ
wamakirie Jeremia. Ngai
akiuga, "Ndũkahoere andũ
aya. Ndikamaigua rĩrĩa
makandĩrĩa makĩenda
ũteithio."



Jeremia agĩkaania
mũthamaki akĩmwĩra atĩ
nĩakahotwo mbarainĩ nĩ
mbūtũ ya Babuloni.
Mũthamaki akĩrakara na
agĩkia Jeremia njeera.
Ona arĩ njeera Jeremia
agĩthĩ na mbere kũhunja
na kwĩhoka Ngai.




Auma njeera Jeremia
agĩthĩĩ na mbere
kũhunjĩria mũthamaki na
andũ macokerere Ngai na
mamwĩhoke. Riita rĩĩĩ
mũthamaki agĩĩkia
Jeremia njeera
ndiku yaarĩ
na ndooro.



No Ngai n̄iarutaga w̄ĩra th̄ĩn̄ĩ wa ngoro ya m̄ũthamaki. Ak̄ĩhonokia Jeremia na hito na ak̄ĩm̄ũũria ũr̄ĩa Ngai eendaga m̄ũthamaki eeke.

“Th̄ĩ ithaam̄ĩrio,
na Ngai
auḡĩite at̄ĩ
n̄ĩũḡũtũũra
muoyo,”
n̄ĩr̄ĩo r̄ĩar̄ĩ
icokio.



Mbūtũ ya Babuloni ĩkĩhoota
Jerusalemu na Juda yothe.
Makĩmomora thingo na mĩako
yotho, na magĩcina indo ciothe.
Ngai akiuga atĩ andũ
aake nĩmagathĩ
ithamĩrio mĩaka
mĩrongo
mũgwanja,

acoke
amacokie Bũrũri
wa Kĩĩraĩro.



Jeremia, Mũndũ wa Maithori


Rũgano kuma Kiugoinĩ kĩa Ngai,
kĩrĩa kĩa Ibukuinĩ rĩa Ngai,

rũrĩ thĩinĩ wa

Jeremia


"Ciugo Ciaku ciatarĩrio nĩrehaga ũtheri."
Thaburi 119:130





Mãico

28



60



Rũgano rŭrũ, rŭrĩa rumĩte Ibukuinĩ rĩa Ngai,
rŭratũmenyithia igŭrũ rĩa Ngai witũ wa magegania,
arĩwe ũrĩa watũmbire na ningĩ akenda ũmũmenye.

Ngai nĩoĩ atĩ nĩtwĩkĩte maũndũ moru, marĩa etaga mehia.
Mũcara wa mehia nĩ gĩkuũ, no Ngai nĩakwendete mũno makĩria
nginya agĩtũma Mŭrũ wake wa mũmwe, Jesũ, nĩguo oragwo
mũtharabainĩ na aherithio nĩtondũ wa mehia maku. Nĩacokire
akĩriũka na akĩinũka mũciĩ igŭrũ kwa Ngai! Ũngĩtĩkia Jesũ na ũmũrie
akuohere mehia maku, nĩegwĩka ũguo! Nĩegũka na atũre thĩinĩ
waku kuma rĩu, na ningĩ ũgatũrania nake tene na tene.

Ũngĩtĩkia atĩ ũhoro ũyũ nĩ wa ma, ĩra Ngai ũũ:
Mwendwa Jesũ, nĩndetĩkia atĩ wĩ Ngai, na nĩwatuĩkire
mũndũ nĩguo ũkue nĩtondũ wa mehia makwa, na rĩu wĩ muoyo.
Nĩndakũhoya ũũke mũtũrĩreinĩ wakwa na ũnjohere mehia makwa,
nĩguo kuma rĩu, ngĩe na muoyo mwerũ, na mũthenya ũmwe ngoka
ndũranie nawe tene na tene. Ndeithia gũgwathĩkagĩra na
gũgũtũrĩra ta mwana waku. Nĩgũtuĩke ũguo.

Thoma Ibuku rĩa Ngai na waranagĩrie nake o
mũthenya o mũthenya! Johana 3:16

